

欽定剿平三省邪匪方略

欽定剿平三省邪匪方略正編卷九十九

己未年

五月初一日

戊午

永保奏言

臣

抵陝後因聞張漢

潮匪衆竄近五郎地方當卽帶兵赴東路迎擊

途次又聞該逆等向西奔竄

臣

卽自南而北攔

頭抄截詢明終南山內華陽地方係四達之區

爲賊匪必由之路該逆等往來數次已成熟徑

臣

隨營兵丁只有川省撥到之一千名又於漢

中收集總兵官信之疲乏落後兵一千餘名兩  
隊內實堪打仗者不及千名臣親率副都統衙

穆克登布副將馬兆瑞等儘數帶領兼程前進  
十七日辰刻甫抵華陽望見賊匪由對面山溝  
蜂擁而出一見官兵卽分股上山排列約有二  
三千人我兵亦移站山梁該匪恃衆分股直前  
衝撲我兵鎗箭並發一股甫經擊退一股復捨

命奔突我兵連壓數次賊匪獷悍情形實堪痛恨當卽訊問擊獲帶傷之賊據供該逆等因山內擄掠漸空無可覓食聞山南地方麥收豐稔意欲趁此成熟之時竄往搶割今被官兵擋住若不能衝過此處後有官兵緊追又須翻山抄繞是以拚命力爭等語臣隨一面督飭官兵奮力攻擊一面派知府朱勳及隨營効力之文職

帶領夫役人等分列高山以作聲勢其各將備  
員弁無不奮勇抵禦自辰至未往來衝壓數次  
副將馬兆瑞身先士卒率領叅將富靈保及奮  
勇弁兵施放連環吶喊橫衝賊始紛紛敗退攀  
援石壁竄入老林山頂翻山而逸仰仗

聖上天威幸未令其衝過華陽要隘祇以兵力稍單  
不能痛加剿洗約計殲斃賊匪不過二三百名

賊匪敗退後副都統銜穆克登布協領西林布  
帶領索倫兵數人追殺趕入林內不知路徑不  
意有潰散潛匿之賊猝不及防以致穆克登布  
被傷陣亡殊堪憫惻西林布額受矛傷遊擊楊  
虎吳璉都司音登額守備周鑣于衝入賊隊攪  
殺之際亦受傷陣亡遊擊哈三泰身受矛傷其  
餘弁兵間有傷亡容俟查明咨部現在偵探賊

蹤並無定向明亮由後路緊躡追剿該匪等必

不敢由原路折回臣惟有儘所有之兵趕緊于

棧內盡力抄繞前進倘能趕至賊前仍可攔頭

截剿若賊匪已過棧道之西臣卽扼要堵截杜

其復折東竄之路並可兼顧西南一帶完善之

地且餉銀將次入棧亦可就近防護再此次打

仗賊倍於兵當衝壓攪殺之際以少敵多勢甚

危險各將士盡力用命奮不顧身始將該匪擊  
退馬兆瑞哈三泰富靈保西林布等奮勇當先  
尤爲出力可否仰邀鼓勵之處出自

聖恩又頃據隴州鳳翔府稟報甘境張映祥賊匪由  
三岔窰至隴州赤沙脊泉地方距該州一百餘  
里距寶雞沂陽亦止百里等語查恒瑞現在帶  
兵趕赴寶雞一帶迎頭堵剿但餉銀不日入棧



不可不加以意隄防

臣

已札飭鳳邠道王文湧履

翔府知府崇祿等俟餉銀到境卽於賓雞一帶  
有城池地方暫爲停頓俟將賊匪擊退再令分  
起前進以昭慎重

永保又奏言竊

臣

欽奉

諭旨命偕恒瑞馬慧裕就近詢問王文雄柯藩台斐

音令將秦承恩供詞逐一登答

臣

現在帶兵堵剿

賊匪行止無定恒瑞在寶雞一帶截堵張映祥  
賊匪藩司馬慧裕現在漢中臬司台斐音在西  
安省城王文雄柯藩遠在西鄉紫陽邊界分堵  
要隘相離遠近不一若俟覆到再行會核覆奏  
未免多需時日伏思提鎮藩臬本有奏事之責

臣  
已恭錄

上諭咨會王文雄柯藩台斐音各將奉

旨飭詢情節迅速繕摺據實陳奏均奏入

上命軍機大臣傳諭永保曰永保甫經到陝所帶兵丁堪以打仗者僅有千名一遇賊匪能就現有兵力將賊擊退未令竄過華陽不致完善地方又被滋擾此卽永保之功但兵力究未免稍單倘急欲見功輕率直前雖云奮身圖報而兵少力薄不能將賊匪痛加剿殺轉不足振作士氣永保於督率

策勳之中仍宜稍存特重總應蓄養兵力見可而  
進或同別隊領兵大員會合兵威既壯則賊胆自  
喪有勇知方可期一鼓集事轉不必零星打仗稍  
涉冒昧朕所以節次施恩於汝兄弟子姪者至爲  
優厚永保尤當察看事機悉心籌辦亦無煩瑣細  
示諭也現在永保已由棧道繞前抄截既可杜賊  
匪折回東竄之路所解餉銀已飭令王文湧等暫

爲停頓俟賊匪剿退再行分起前進所辦俱是此  
次殺賊陣亡之副都統銜穆克登布遊擊楊虎吳  
蓮都司音登額守備周鏞俱著咨部議卹

上諭內閣曰永保奏打仗出力各員副將馬兆瑞參  
將富靈保俱著賞戴花翎遊擊哈三泰著賞給副  
將職銜協領西林布著賞給濟特庫勒忒巴圖魯  
名號千總姜興濟外委孫榮俱著賞戴藍翎以示

拜廟

初二日臣恒瑞奏言臣由東路兜剿賊匪行抵

二郎壩據報藍號賊匪又從徽縣麻陽河折回

秦州境內勢復奔向東北隴州寶雞一帶隨留

總兵觀祥駐防二郎壩臣仍帶兵繞至利橋攔

頭堵截賊匪尙在李家集楊家河等處夾掠一

聞官兵前來卽折回向兩當南竄臣飛飭觀祥

由二郎壩趕赴兩當臣亦兼程繼進賊匪果至

該縣城外滋擾觀祥趕到卽帶馬兵由山梁壓下其時騎馬賊匪竟有六七百人步賊二三千

人倚恃衆多經我兵衝突數次毫不退却知縣

孫鉞督率守城兵勇施放鎗礮臣聞信亦先帶

馬兵趕至兩路衝擊把總保德縱馬直入手刃

二賊我兵競進殲斃騎馬當先者二十餘人賊

匪大敗與對面山梁助勢之步賊盡向西南奔

竄保德身受重傷陣亡

臣

督率觀祥及侍衛江

鼎等分帶弁兵乘勢追殺斬獲賊匪三百餘人

次早正欲趕緊追剿忽報東面一股賊匪由留

壩一帶竄過棧西距兩當不遠正在我兵之後

臣刻卽帶兵馳回杜家坪賊匪方在沿山各村

莊散屯造飯不意官兵猝至俱各翻山四竄我



兵分投掩殺斃賊一百餘人擒獲小頭目田貴  
並夥賊六十八名訊問此股賊目係張漢潮冉  
學勝自鎮安折回因官兵追急連夜由華陽留  
壩竄來等語查張漢潮等猝遇官兵截殺俱向  
唐藏一路奔竄明亮與肇己自鳳縣趕來卽由  
方石鋪躡蹤往剿其張映祥等藍白二號賊匪  
業已竄至徽縣境內富成廣厚吉蘭泰均由秦

州帶兵分路南來臣卽馳赴會同剿辦至被裹

百姓乘間逃散者約有四百餘人自行投到者

一百二十七人臣俱給予路票酌賞錢文令其

各歸安業其逃散者飭令地方官妥爲收撫奏

入

上命軍機大臣傳諭勒保恒瑞曰蓋號一股賊匪始  
欲竄往隴州一聞官兵趕至卽向兩當南竄恒瑞

帶兵追剿賊盡向南奔逸前日慶成面奏慮及甘  
省折回之賊若從兩當向南前竄卽係白水壩一  
路可由潼川直達成都朕正欲降旨諭知今據恒  
瑞所奏情形賊匪竟有南趨之勢蓋緣甘省地瘠  
民貧無可擄掠難以久留潼川成都一帶皆屬殷  
富之區賊匪中諒有素知此路之人必思乘間窺  
伺川西川南等處從未被賊蹂躪不可不急爲攔

截現在恒瑞馳赴徽縣會同廣厚合剿務當扼其南竄之路毋任稍有蔓延看承恒瑞明亮兩路在三張逆之間似均有腹背受敵之勢若兵丁不敷剿辦著恒瑞酌量情形或於寧夏駐防滿兵或於阿拉善兵內調用一千名或五六百名以便就近帶領堵截若現有兵力足資分派亦可不必添調總在隨宜斟酌也此次打仗陣亡之把總保德著

咨部照于總例賜卹

初三日庚申吳熊光奏言伏思豫省西聯陝境南

接楚疆在在均須以堵爲剿而保護本省地方

自應用本省之人方能得力且以本省之鎮將

管帶本省之兵則呼應較靈臣於初到豫省時

因察看邊境情形地廣兵單卽經札商倭什布

可否於景安帶去兵內酌令千餘名回隊以資

防守尙未准其札覆現據探報賊匪張添倫高均德等竄回平利之鸚嘴山羊谿等處聞楚省竹山竹谿及鄖西等處駐兵共有八千餘名鄉勇亦不下六七千名但該省現有賊匪窺伺滋擾正在分頭堵剿之際自未便遽令撤回臣前因江防緊要奏調直隸官兵一千二百名原係兼籌陝楚協剿之用或俟此項兵丁到時撥赴

湖北更換豫兵回防本境容

臣

與倭什布安商

辦理目下各股賊匪俱在漢江之南江北惟張

漢潮一股往來於五郎鎮商一帶以致陝境遭

其蹂躪豫省迤西一帶邊防俱爲牽制必須會

集兵力先將此股剋期撲滅則少一股之賊卽

多數路之兵於剿辦較爲有益是以

臣

奏請將

山東撥赴川省補額兵丁一千三百餘名令其

直赴明亮軍營以期將此段迅掃同隸陝西臬  
司台斐音稟稱張映祥一賊賊匪擾及隴州將  
山東官兵改赴鳳翔一帶堵剿臣因鳳翔爲川

省文報必經之路又新發兵餉必由彼解往虜  
有疎虞而永保已帶兵回陝與明亮夾剿因聽  
其改調不敢固執已具奏聞張映祥一股仍竄

回秦州且有總兵吉蘭泰帶兵往剿想賊匪張



映祥自不敢再窺伺陝境臣已飛咨恒瑞永保

並劄知台斐音就近酌量情形如何將此項東

省官兵截赴明亮軍營庶得此生力勁兵廓清

江北賊匪再移赴南岸併力剿辦似更易於得

手且張漢潮一股既滅則王文雄所帶之豫兵

千名亦可調回本境而豫省西面現駐之兵並

可酌移南面於征防兩有裨益臣現駐劄荆子

關兼顧西南兩路惟有確探賊蹤就現有兵勇  
殫竭心力相機布置斷不敢稍弛戒備再

臣思

剿辦賊匪必須通計數省之局勢權其緩急之

宜

臣

愚昧之見川省辦賊應由東北進壓西南

方可聚而殲海緣川省本地之賊不肯輕去其  
鄉卽或竄往他省山川險隘非所諳習易於剿  
捕而楚省入川之賊則去來靡定又熟習路徑

追截較難目下重兵皆在川省似應緊靠楚陝  
邊境逼剿庶不致蔓延滋患若先在川省西南  
一帶剿捕則東北之賊必至聞風竄逸

臣

自直

來豫沿途察訪輿論已有見聞近見張映祥張  
添倫高均德等各股賊眾均從川省逃至陝楚  
是輿論業有明驗又現據探報賊匪張添倫一  
股竄回平利之鸚嘴山高均德一股竄回平利

之羊谿雖距豫境尙遠但平地亦近江干防範尤宜籌備目下江水盛漲全在臨期提淨南岸

船隻賊匪斷難飛越

臣

早經札飭湖北沿江地

方官認真辦理第恐奉行不善或於南岸水濱江汊仍任船筏停留或北岸停泊多船以致擁擠滋事均未可定臣已專派南汝光道陳鍾琛馳往江岸光穀均鄖一帶探聽信息將江面所

有大小船隻竹木牌筏悉令其緊靠北岸往下  
放行晚間卽在北岸分段暫泊不得擁擠停留  
以絕賊匪窺伺之心而於商旅一無阻滯並移  
知鎮臣田永桐一體查辦奏入

上命軍機大臣傳諭吳熊光曰吳熊光係河南守土  
之臣自當將本境應行防堵事宜妥協經理使賊  
匪不能闖入卽爲盡職如所奏確探賊蹤相機布

置及派員馳往江岸察探信息將江面船隻分派  
北岸自屬分內之事朕未嘗不以爲應如是辦理  
至豫省而外陝甘等處軍情朕與經畧勒保尙不  
能遙制何況吳熊光係一巡撫且與豫省何預乃  
輒行飛咨恒瑞永保并劄知台斐音令將東省官  
兵截赴明亮軍營已屬冒昧且令在途弁兵無所  
適從又稱張漢潮一股旣滅則王文雄所帶之豫

兵千名亦可調回本境試思張漢潮一股如已撲滅則王文雄所帶官兵正當移往陝甘邊界剿辦張添倫張映祥等股豈有轉令撤回本境爲豫省防江之計祇知自衛不顧大局寧非置有用之兵於無事之地乎況張漢潮旣滅則賊去豫省愈遠又何須設兵防守耶又據稱川省辦賊應由東北進壓西南是使川西從未被賊之地復遭蹂躪所

見誠屬愚昧矣吳熊光自到豫後屢次奏請添調  
兵丁已屬張皇多事今又將川陝軍情率行臆斷  
並紛紛檄調儼然以軍機大臣自命欲分經畧之  
權可謂不知分量不曉事體似此無知妄爲景安  
之不若矣吳熊光著傳旨嚴行申飭若再不儆省  
卽當加之嚴譴不稍寬貸也

上又命軍機大臣傳諭恒瑞永保曰吳熊光奏飛咨



恒瑞永保並劄知台斐音酌量情形如可將山東  
官兵截赴明亮軍營廓清江北賊匪再移赴南岸  
剿辦等語殊屬越分陳奏已降旨嚴行申飭軍旅  
重務移步換形全在隨時酌量機宜決策制勝豈  
有懸揣遙度之理各路軍營辦理軍務一切自應  
遵奉諭旨指示其次則聽經畧調度郊所降之旨  
咨該大臣於接奉後或賊情復有變又尙不可拘

泥遵旨何況經畧之機卽經畧諸凡調度於該處  
情形未能悉協有應變通者尙不可意存遷就何  
況隣省一巡撫之知會書札欲令人一一遵照乎  
吳熊光係瓊境守土之臣謹防疆場是其專責乃  
取巧見長率逞臆斷紛紛咨檄居然以軍機大臣  
自命欲分經畧之權實爲不知分量且據摺內稱  
張漢潮一股旣滅則王文雄所帶之兵可以調回

豫省之語試思陝省兵力現在尙覺稍單如張漢  
潮一股卽就殄平則張映祥等分股賊匪正資合  
兵痛剿以期陝甘邊境迅就肅清豈可將有用之  
兵遽行調回空守距賊較遠之江岸乎若二張逆  
皆以次剿滅則豫省邊界已寧謐無事而漢江南  
北尙需分兵駐守乎此等措置若果循照辦理豈  
不悞事恒瑞永保惟在斟酌事機妥協經理所有

接到吳熊元一切咨會不合機宜竟置之不理可也

初四日辛酉明亮與肇奏言查張漢潮一股賊匪

經臣等於西毛坪痛剿之後由米梁寺四畝地

等處漏夜狂奔盤繞萬山重叠之中希圖躲避

追兵臣等尋蹤躡逐或分道抄擊或乘間追殺

雖日有殲擒十數名至二三十名不等總未能

合圍痛洗十七日馳抵九池壩接准永保來信

已由城洋一帶自南而北前赴終南山內攔剿

抄截臣聞信後倍道窮追十八日趕抵華陽查

得賊衆撲衝該處營卡經永保督兵攔截未能

越過該逆知後有追兵不敢由原路折回卽從

旁徑重山複嶺中翻過老林竄至留壩焚掠臣

卽覓捷徑由廟臺抄剿趕上賊匪後隊殲斃二

十餘名擒獲陳正魁等七人該匪從甯星廢邱  
關西遁訊據賊供張漢潮由二郎壩翻山過來  
詢知日來棧道解過銀鞘騾馬甚多張漢潮與  
冉學勝等商量欲乘間搶掠騾馬軍餉繞赴甘  
省且聽說有同教之人已由徽縣過來可與合  
夥臣卽由鳳縣抄截適綸布春安祿等解運京  
餉頭二三起堆積鳳縣恐棧道梗塞未卽起運

查鳳縣守城兵丁僅有二百餘名不得不抽撥

官兵護守隨派遊擊夏福都司李殿元帶領官

兵五百名飭令小心護守幸棧道未致梗塞

臣

飛卽督兵由楊家店抄截杜其竄入甘省之路

該匪由山僻小徑竄至杜家坪適恒瑞追剿張

映祥賊衆一路官兵在前攔剿恐其北竄寶雞

等處復又分派官兵扼要堵截

臣

卽緊躡其後

該匪遂由草涼驛折回向安河鐵廠一帶仍復

入山遁逃聞永保亦起緊繞道抄截前來

臣等

會合後再行面商進剿再頃接吳熊光來文山

東補額官兵一千餘名已由潼關華州一路整

隊前來

臣

一路正需兵力今蒙

恩賞撥山東陝甘官兵二千餘名足壯軍威一俟到

來

臣

等鼓勵士卒作一鼓殲擒之計奏入



上命軍機大臣傳諭明亮恒瑞永保廣厚曰張漢潮  
被各處官兵追逼無路奔逃欲與張映祥合夥若  
一逆歸併一處不致分我兵力明亮恒瑞永保等  
正可會合進剿此實極好機會伊等務須彼此熟  
籌設法圍擊聚而殲旃惟閱伊等節次奏到情形  
三路兵力總覺單薄昨會降旨令恒瑞酌量於寧  
夏駐防滿兵及阿拉善兵內或調一千名或五百

名以資協剿今明亮恒瑞永保已可相晤卽著會  
同商酌如實在無須添兵則已否則仍遵前旨卽  
行調派雖目前稍有勞費而兵多則賊可早除於  
軍務更有裨益此時緊要機宜不可使張漢潮張  
映祥兩股合而復分又致兵分見單受其牽制也  
至慶成在京面奏白水壩一路可達潼川成都一  
帶川西川南皆屬殷富之區未被蹂躪不可令賊

匪窺伺焚掠所慮甚是昨已諭令恒瑞與廣厚等扼其南竄之路並著明亮永保一體留心堵截由

西南進壓東北以期迅速蕩事陝甘境內賊匪一

經肅清卽將添調之阿拉善等兵撤回不必再令

赴川現在川東各股賊匪勢已窮蹙可望成功勒

保會奏毋庸添派京兵是辦賊已有統緒更不須

復添他處兵力矣

同日福寧奏言查額勒登保追剿竄匪已由開  
縣溫湯井一帶馳抵東鄉上八廟地方又副都  
統阿哈保總兵楊遇春等經額勒登保派令分  
帶官兵亦由開縣譚家壩一路追剿其前在大  
寧太平開縣交界阻我糧運各匪俱已分投奔  
竄德楞泰督師追至東鄉土黃壩各處運道藉  
得疏通日來據各員弁稟報前各州縣運至中

途停積米石刻下俱已先後趨送各營交收

臣

復飛札開縣雲陽新寧東鄉太平等處速將糧  
石源源轉輸並派委各員弁分布四路竭力督  
催現值雨水連綿山險路滑所有軍糧猶恐人  
夫背運負重行走難免濡滯茲復飭令隨時添  
僱騾頭以供馱載現在德楞泰一路軍精無虞  
匱乏此外各營所需兵食均經寬爲辦解至德

榜泰軍營需用餉項前由達州續行撥銀四十萬兩據報業已抵營足供支放其弓箭火藥銀丸等項昨亦隨同銀兩解往備用查近日各股賊匪俱分竄東鄉太平境內官兵星馳電擊不予以暇茲運道已通臣惟有認真督飭安速輓輸務使兵進糧隨藉紓

宸廑奏入報

聞

初五日

壬戌

倭什布奏言查張添倫一股賊匪自

敗竄出境後仍在二竹北界外往來游奕

臣遵

旨以堵爲剿隨賊所向沿邊攔截十九日該匪自白

河境內竄至洵陽

臣

因赴獨山寨扼堵二竹北

面邊界復據探報並准陝省來信有另股賊匪

由紫陽一路竄抵平利縣獅子壩又有一股由

太平切崖竄至平利縣鎮坪石砦河均與竹箴

西面邊界逼近

臣

察看情形較北界尤爲緊要

因酌派熟諳二竹道路之竹山營千總黃富國

帶領兵勇堵剿北界之賊

臣

於二十日馳抵西

界督防分飭派守關隘等處之總兵路超吉派

守西面河等處之叅將海麟遊擊揆明等嚴密

防範並派撥弁兵於山溝小道不能紮營之處



分布哨望二十一日獅子壩一股賊匪由洋溪

一路竄伺雲路溝邊監其時臣正巡邏到彼督

率叅將董寧川遊肇姚國棟帶兵迎截賊人撲

近官兵鎗箭齊發擊斃頭隊之賊三十餘人是

夜官兵屯紮洋溪二十二日五鼓賊匪復至雲

路溝分燃火炬吶喊前來臣竊疑賊匪乘夜撲

營如此鳴張必有分股奔竄詭計一臣督兵迎

截一面差弁兵等分赴旁通小徑察探旋據梓  
桐壩一路放哨兵丁來營稟稱五鼓時見雲路  
溝一帶火光只顧向北哨望不知賊匪於何時  
上至梓桐壩老林分隊藏匿天將明時一擁而  
上帶兵放哨之外委劉永修竭力抵拒當被戕  
害賊人翻越老林向王家河奔竄等語臣查賊  
匪一入王家河峩坪等處卽達楚境因督同遊

擊曹星都司胥泗起等率兵堵剿雲路溝撲卡  
之賊隨派董寧川都司劉應世帶兵一千名飛  
赴峩坪一帶迎截官兵趕到正值賊匪竄來董  
寧川截住東竄路口將礮位排列分兵兩路截  
擊賊人自恃衆多直前抗拒思欲奪路前竄該  
叅將將礮施放轟斃五六十人賊匪四散逃竄  
官兵從兩旁山梁壓下且追且剿沿途殺賊一

百七十八名賊匪仍由梓桐埡來路逃竄出境  
內有執旗騎馬賊二名董寧川以爲必係緊要  
頭目追之益力迨至梓桐埡山梁樹木深密賊  
匪棄馬而遁該叅將亦下馬追殺賊人狂奔避  
入溝內該處山溝路窄該叅將令衆兵在山腰  
圍擊親率弁兵數十人追逐而下拔刀奮擊不  
料深林溝內敗回躲避之賊併隊齊出該叅將

帶有矛傷猶復橫截衝盪殺賊十餘人衆兵趕  
下接應乃賊人圍裹益密鎗矛攢集董寧川竟  
受傷陣亡其時隨同該叅將下溝殺賊之千總  
程運棟亦同時被難所追騎馬賊二名一爲該  
叅將刃斃一帶箭率衆奔逃官兵憤恨已極復  
追殺十餘里斃賊六七十名餘賊潰竄回陝其  
撲擾雲路溝營卡之賊經臣督率官兵擊斃二

十餘人，追殺十餘名，生擒李廷相等六名。是日兩路賊匪退至核桃坪，復行屯聚。二十三日探知該匪由核桃坪竄往西北之張家店，勢將侵及關垵一帶。臣飛飭守備張懷毓帶兵赴關垵之北黑龍洞，覓諸親率都司孫應奉守備姜元祥等帶兵前赴關垵策應。二十三日賊匪一股竄至關垵，一股竄至黑龍洞，俱經官兵用鎗礮

轟擊賊人退至黃土坡會值天雨與官兵相持

兩日夜二十五日天氣晴霽臣飭路超吉率同

孫應奉守備姜元祥張建業等帶領官兵抄出

賊人之北由石牛河左手山梁進剿賊匪分伏

兩山林內欲誘官兵下至河岸以便衝出被官

兵哨見先用大礮向林內轟擊賊匪一齊撲上

官兵奮力壓剿擊斃騎馬領隊賊三名步賊三

四十名賊人退下竄過河西官兵乘勢追擊生擒胡漢周等九名餘匪由石榴河向北土營一路西竄現離竹谿西界有七八十里至張添倫一股二十一日竄至七里關有折回楚境之勢

經臣派在北界迎堵之千總黃富國於二十三

日帶領兵勇迎往腰店地方截剿適與該匪相遇黃富國督率兵勇分路抄擊自寅至申殺賊



四百餘名生擒丁尙文等八十五名該匪遂由

董家梁西竄仍入平利縣境離二竹北界亦遠

又竄至鎮坪石砦河一股賊匪與竹谿西界之

竹葉關西面河一帶逼近該匪先後撲擾黑山

頂月亮岩等卡經叅將海麟守備王有等率同

兵勇堵剿兩次共斃賊八九十名生擒趙明新

等十八名未被衝越隘卡嗣於二十二日該匪

復擾至柏樹峽叅將海寧守備胡宗典等迎赴  
胡溪河趁賊匪搶渡時分兩路衝擊將渡船搶  
獲盤沈斃賊三十餘名淹斃者二十餘名生擒  
徐添吉等四名該匪旋即退回連夜折竄平利  
曾家壩竹谿西北兩路皆得堵守無虞審訊各  
路擒獲賊匪據供衝撲雲路溝梓桐壩關壩之  
賊係高均德一股衝撲月亮岩黑山頂柏樹峽

一股頭目名馬得貴

臣

查現竄平利賊匪雖各

股頭目賊供不一難以確信而張添倫高均德

等大率籍隸楚北每思竄回原籍是以連日以

來分股遍擾竹谿西北兩路經官兵分投堵剿

不致深入蹂躪今竹谿大小花園一帶有自梓

桐壩剿敗逃散之匪尙在分竄人數無多業經

派令將備分路搜捕大股賊衆旣已一二截回

此等剝散餘孽定可卽就掃除臣惟有益加策

勸分飭文武員弁於川陝邊界加意巡邏不敢懈弛所有各路傷亡兵勇容俟查明咨部再副

將銜原任河南汝定營叅將廣福前以不遵約東肆行咆哮經前督臣景安叅奏革職捆責枷

號示衆俟軍務完竣發往伊犁充當苦差臣到

楚以來帶兵往來邊界查知廣福爲人粗直性

氣不甚和平而平日帶兵打仗頗能勇往管教  
兵丁尙得軍心自奉

首拙責柳號以後深知愧懼現當邊防緊要各路帶  
兵堵剿需員可否仰懇

皇上天恩將廣福暫釋柳號令隨臣軍營差遣帶罪  
立功自贖如果感奮出力再行奏請

加恩尙尙不知悔改自當據實奏

聞仍治以應得之罪分入

上命軍機大臣傳諭倭什布永保曰張添倫高均德等股賊匪在楚陝邊界出沒滋擾其意總欲折回楚北屢經官兵堵截退回平利一帶暫行屯聚旋復擾至二竹西北地方分路衝撲看賊匪情形自因陝省東南係伊等後路官兵守備空虛得以安然在彼退聚歇力而陝省東南無備之故皆由明

亮恒瑞俱經帶兵前赴陝甘交界徽鳳之間追剿  
張漢潮張映祥等股賊匪永保又向棧內還截不  
能兼顧東南而倭什布又專在本境督率防堵是  
以張添倫高均德等被楚省擊退後仍得在平利  
一帶游奕窺伺進退自如現在張漢潮張映祥二  
股已有明亮恒瑞與廣厚吉蘭泰前後截擊足資  
逼剿永保可毋須再於陝境西北堵禦且伊駐劄

之處在終南左近距平利一帶不遠者永保卽將原兵仍行帶回如覺兵力尙單卽酌量添募鄉勇或咨行豫省調取直隸新兵四百名在陝省東南邊界相機堵剿則永保與倭什布卽可兩面夾擊自爲得力叅將董寧川下馬擊賊身帶矛傷猶復殲賊多名因賊匪勢衆致被戕害似此忠勇之臣不得承受國恩實爲可惜閱之不禁墮淚著咨部



加等賜卹其同時陣亡之千總程運棟及帶兵放  
哨拒賊被戕之外委劉永修亦俱著咨部予卹又  
叅將海麟千總黃富國截剿張添倫奮力抄擊殺  
斃多賊甚爲出力可嘉著倭什布留心查看如果  
嗣後再有出力之處卽行保奏候朕加恩獎勵叅  
革副將銜廣福前已有旨令勒保調赴軍營與景  
安質對今據倭什布奏伊帶兵勇往能得軍心當

此用人之際應若其開理。柳號留營効力如前此  
景安所叅情節查明實。屈抑所有董寧川現出  
之叅將一缺卽應奏明將廣福補授並著倭什布  
酌量情形如此時帶兵需人卽咨明勒保將廣福  
先留該處差委暫緩赴川倘尙可毋須廣福帶兵  
卽令先赴勒保處與景安質對明白再行回楚可  
也

欽定剿平三省邪匪方略正編卷一百

己未年

五月初六日

癸亥

陝甘總督松筠奏言竊

臣

前奉

諭旨如明亮恒瑞尙未將張漢潮等擒獲著松筠抵

陝接印幫同妥辦並著辦理撫卹事宜

臣

於四月

二十五日已入陝境沿途訪問賊匪奔竄每見

村鎮並不敢直入先以數人假作官兵打探無

備然後復以數十人向前持執刀矛虛張聲勢

倘居民驚散駭衆始敢齊至焚掠如居民有備  
或有官兵向其施放鎗礮賊匪卽行退入深山  
翻崖越嶺又向偏僻村戶搜糧不過掠食度命  
而往往掠得騾馬又復運覓裏人現在張漢潮  
一股由五郎洋縣折竄至留壩一帶焚掠北有  
明亮追剿永保亦已帶兵探踪迎擊其張映祥  
一股在秦州徽縣一帶滋擾有恒瑞前往堵剿

而富成仍在尾追尙無擒獲確信因思前奉

恩旨雖已膾黃曉諭或賊隊中尙未盡悉必得密遣  
受人潛入賊隊曉諭被脅良民有能捕獻首逆  
立功者不但宥其前罪且必仰邀

聖恩如苗匪吳隴登等得受重賞否則潛行散去或  
臨陣投降亦必遵

旨妥爲安置給以資斧釋回鄉里俾復農業斷不治

以從賊之罪除俟覓得安人卽令探至賊隊潛  
行曉諭臣復遍諭大路兩旁村鎮商民與其避

賊而被掠一空莫若團集而勢操全勝如教匪  
臨近某村某鎮該處鄉民有能抵禦殺賊者據  
實報出定加獎賞其能擒獲逆首者亦必奏懇

天恩賞給官職或教匪被官兵追剿竄入村鎮該鄉  
民既有團勇應卽迎頭堵截使官兵趕上剿滅

亦必分別從重獎賞其賊匪中被脅良民投奔  
各處求生者該處鄉約保正等即便收留暫給  
口糧稟報地方官妥爲安置遣回鄉里總不可  
令其投歸無路以致仍入賊夥所給口糧官爲  
給還又札飭各州縣官凡有自行投出及由他  
處遣回者俱應隨時安插發給口糧即使地方  
官不及領項倉穀不敷動碾不妨先爲設法措

辦隨後開報申領果能妥速辦理自必量功課  
績奏請鼓勵州縣官內果有設法購線拏獲首  
逆者必蒙

聖恩越級陞用至各處書役有能善爲招撫或擒獲  
賊首者亦必按功給賞並奏請賞予官職

臣於

經過地方先行繕發餘俟探赴恒瑞行營接印  
後卽爲刊刻刷印通飭遵辦至安撫難民尤爲



緊要臣於經過寧羌州沔縣一帶見有曾經被賊焚掠處所卽愷切安慰諭以

皇上視民如傷隨後卽有

恩恤俾知感激因卽札飭布政使馬慧裕楊揆速查被擾各地方新舊難民文冊務須卽時賑濟免致失所臣仍同承保盡心查察妥辦以期敬副

皇仁奏入

上命軍機大臣傳諭松筠曰松筠甫入陝省卽能留  
心體察賊情而於密遣妥人潛入賊隊設法安置  
投歸難民諸事所辦已得要領具見留心軍事忠  
惻可嘉現在三張逆分竄陝甘楚省邊界節經諭  
令明亮恒瑞永保等設法截剿若一經擒獲必當  
處以極刑卽在該處梟示俾匪衆各知儆惕卽臨  
陣被戮亦必確認屍身不可任其漏網總之邪匪

首夥各犯到處掠掠殘害良民罪大惡極必應悉  
數殲滅斷不可赦其餘裹脅從行者自當分別撫  
卹此係松筠總督任內應辦之事然必先示兵威  
使之震懾其降乃固也至富成坐擁兵勇七千名  
之多從未趕上賊匪與之接仗勒保恒瑞廣厚吉  
蘭泰皆知其怠玩避賊陸續具摺參奏其罪實不  
可恕本應在軍前正法示衆因念教匪滋擾究係

內地亂民若卽於該處辦理致賊匪輕視帶兵大員轉長刁風是以前日諭令松筠卽就近將富成革職拏問一面嚴審按律定擬具奏一面派委妥員解交刑部治罪今松筠尙未接奉前旨一到陝境卽奏及富成仍在尾追可見所論公確著卽遵照前旨速行審辦解京至松筠係陝甘總督仍著駐劄興安漢中一帶督辦軍儲諒能經理裕如仰

副委任也

初七日

臣

明亮承保奏言竊

臣

明亮由楊家店

抄擊張漢湖賊匪承保於華陽山扼要截剿該

匪遂翻大山老林向西北狂奔臣明亮帶兵緊

躡前進臣承保計程不能抄出賊前遂將步兵

緩程進發止帶馬兵數十名由小河口提徑抄

繞詎該匪等萬分狡猾已料官兵必係兩路追

截兩晝夜狂奔四百餘里於二十日早竄至留  
壩廳地方該廳向無城池賊匪往來數次屢經  
蹂躪居民於山巔築寨賊遠則在街市貿易賊  
近則官民咸居寨中此次賊匪潛蹤猝至該處  
同知齊默慎正在寓辦事司獄黃定一亦在彼  
彈壓均未移居寨上賊匪闖至該同知卽將印  
信交付家人令其扒山逃避隨持刀向黃定一

竊賊俱被戕害該匪悉官兵追擊未敢久停仍  
向西北直竄甘省兩當邊界查留廟監獄命犯  
三名已經該同知豫寄襄城縣監所存採買軍  
糧已早在寨中收貯均無疎虞臣永保當卽招  
集居民散給口食並找尋書役查問案卷旋據  
該同知家人將印信呈繳臣一面就近委員暫  
爲代理該廳事務正在帶兵追剿間又聞頭二

三起解川餉銀業經入棧卽趕緊馳赴鳳縣一帶見押運巴圖魯侍衛等卽令將餉銀暫存鳳縣城內其四五起銀兩札知道府截令暫存寶雞縣城妥爲存貯探知該匪等直向兩當狂奔適恒瑞擊退張映祥股匪迎頭遇見卽帶兵攔擊出其不意該匪等驚慌潰亂多被殺傷棄馬翻出向北而逃復又折回向東奔竄臣明亮亦



卽由兩常境內折回追剿與臣永保會合籌商

查此股賊匪詭詐異常其逃避情形斷非一二

路兵力可以立時剿盡且終南山勢交錯道路

叢雜盤旋百折東西一千餘里南北七八百里

賊匪所以隨意趨避游奕自如臣詳詢獲犯及

逃出被裹民人僉稱賊夥內有一種木山匪徒

無室無家素以賭盜爲生俗名紅簽大半入於

賊夥指示道路相引爲惡本係土人語言行動  
無所區別充作良民到處代爲探聽官兵消息  
賊匪得以往來無阻總與官兵避道而行

臣明

亮兵力雖尙足恃若該匪等果肯占據抗敵自  
不難痛加剷洗無如一聞官兵信息卽時逃避  
狂奔

臣

明亮辦理幾及一載終未能擒渠掃蕩

實受此牽掣之累

臣

永保甫自川來兵力稍寧

若亦隨同奔逐不能制賊竄逸之路徒使兵力

疲乏亦屬於事無濟查現在川餉在棧必須妥

速料理前進

臣

明亮前在山中剿賊往來無定

糧運固不能緊隨亦因地方無人代爲籌辦接

濟卽派委微員押運入山不知探聽賊蹤抄覓

路徑每致被賊搶奪官兵不免有時枵腹卽馬

匹日逐奔馳亦形疲乏是酌籌供運亦關至要

臣等惟有彼此商酌竭力妥辦至此股賊匪若  
非四路扼要截堵使其不能向無兵之處狂奔漸  
逼漸剿斷難一鼓克捷弟就近各省已無可調  
之兵若遠道徵調更屬緩不濟急臣明亮先帶

現有之兵緊跟賊蹤不予以暇相機剿辦山東  
補額之兵不日到齊其陝甘補額之兵現亦飛

咨恒瑞王文雄趕緊抽調共有二千餘名臣明

亮暫爲帶領趕緊剿辦使賊匪喘息難寧日就窮蹙臣永保於鳳縣一帶照料撥兵護送川餉過後籌酌接濟臣明亮所需糧餉軍火馬匹等項不使掣肘缺乏仍一面相機截堵

永保又奏言伏思川省需餉甚急現在所到餉鞘未便久稽而張映祥股匪在棧道之西張漢潮股匪在棧道之東棧內居民屢被焚掠心胆

已虛見有一騎駛奔卽驚爲賊匪探馬紛紛逃  
避以致道路時有訛傳茲帑項經過萬一有風  
鶴之驚夫役一時散亂殊屬不成事體且自鳳  
縣以至褒城中間尙有南星留壩馬道三驛俱  
久經賊匪灾燬之餘並無多餘房屋不但解餉  
官員無所棲止卽餉鞘亦無安頓之處臣擬就  
現有之兵三千餘名分布該三處地方深溝高

壘堅紮營盤安放餉銀巴圖魯侍衛等卽可在  
營看守一至裏城有城池護衛便可放心再查  
部發餉鞘每三千盛貯一匣必須用大杆二根  
兩騾馱載棧內道路逼仄崎嶇每遇山勢盤曲  
之處必須多用人工幫助轉折而過縱免蹉跌  
亦多遲滯若改爲一千一匣則一騾可馱二千  
行走既能簡便且每銀三十萬兩可省騾五十

頭卽以此項餘騾留爲沿途更換疲乏之用行走更爲迅速從前轉運會議及此因部發餉鞘不敢起動原匣致恐交卸時或有平色參差所見未免拘泥今當道路多警之時自應以捷便妥協爲要商之各巴圖魯侍衛等無不稱便

臣

當卽督同屬縣連夜趕辦小匣眼同各起原解巴魯圖侍衛等按原起分兌改貯俟將營盤安



置妥協仍令按起啟行前進並將前出谷報勒  
保轉飭川省接解官員知照辦理奏入

上命軍機大臣傳諭明亮永保曰張漢潮一股因官  
兵追剿緊急復竄至留壩地方戕害職官恐官兵  
追擊仍向西北直竄甘省兩當邊界適恒瑞遇見  
卽攔頭迎擊該匪等又復折回向東奔竄實屬狡  
猾可恨總緣賊衆兵單不能合剿之故現在明亮

所帶之兵本屬無多而永保所帶之兵雖有二千  
除疲病外堪以打仗者亦止千名又分撥留壩等  
處護送餉銀看來伊二人兵力實形單弱不敷堵  
剿現已降旨令慶成帶領直隸正定兵丁八百名  
馳往陝省協剿此時明亮惟當就現有兵力緊蹙  
張漢湖一股不使西與張映祥連蹤亦勿令東與  
終南山內奸民勾結及與張添倫合夥或俟慶成

到後及咨調山東陝甘補額之兵到齊聲勢較壯  
再行相機合兵奮擊以期得力明亮永保務須勉  
力至永保奏沿途撥兵護餉一節前據福寧奏報  
川省尙不急於需用今棧道東西既有賊匪梗阻  
護餉兵丁爲數無多雖有巴圖魯侍衛等在彼管  
解亦難抵禦多感永保自應酌量情形如餉銀業  
經過棧固屬甚善倘難以前進不妨且在鳳縣寶

雞畧爲停頓慎重辦理將餉銀未能過進緣由知  
照勒保福寧寧可畧延時日毋令稍有疎虞前雖  
有旨令永保仍回陝省東南邊界截剿張添倫高  
均德等賊匪今看此情形留壩兩當一帶又關緊  
要永保似未能遠離該處且張漢潮一股正在終  
南山一帶向東奔竄永保卽欲折回亦有張漢潮  
在途爲之間隔自無庸拘泥前旨總在伊相度機

宜俟慶成到後兵力厚集再行酌量何處緊要卽  
協同夾擊永保此時惟當諸事持重伊兵力較諸  
路更單不必急於見功稍涉冒昧也所有此次被  
賊戕害之留壩同知齊默慎司獄黃定一深可嘉  
憫均著照陣亡例咨部賜卹

上又命軍機大臣傳諭慶成曰慶成前已補授成都  
將軍令其赴陝幫同剿賊茲據明亮等奏張漢潮

一股復由兩當折回東竄明亮永保兵力甚單而  
張映祥一股經恒瑞追剿亦在徽縣兩當一帶往  
來奔突其張添倫等又在陝楚邊境游奕窺伺明  
亮既不能兼顧而永保所帶之兵本少又分撥護  
餉永保現亦暫駐留壩是此時陝省急需兵力接  
濟現已有旨諭知胡季堂將直隸挑備之後二起  
正定兵丁八百名選派將弁帶領起程度成接奉

此旨卽在途畧爲等候俟此項兵丁到齊卽取道

河南陝州迅赴陝省該省商維一帶與豫境毗連

慶成入陝後如遇賊匪正可迎頭截殺倘賊匪復

經他竄慶成卽應察探賊蹤何處緊要或與明亮

夾擊張漢潮一股或截剿張添倫一股惟當就近

相機剿辦不必預存成見也再直隸頭起兵丁四

百名如已行抵豫境該省距賊蹤已遠江岸尙可

無須添兵防守慶成卽當將此項兵丁一併帶赴  
陝省更足以壯聲勢

上又命軍機大臣傳諭胡季堂曰前已有旨令胡季  
堂將挑備直隸兵後二起八百名暫留正定如豫  
省需兵接濟再行發往今據明亮等奏伊等追剿  
張漢潮兵力甚單現已有旨令慶成在途畧爲等  
待卽將後二起兵丁八百名帶赴陝省此項兵丁



應需資裝一切自經胡季堂早爲備辦該兵丁亦  
已準備起程人思自奮若停止前進轉阻其踴躍  
從事之心著胡季堂卽遴選明幹勇敢將弁帶領  
起程由河南陝州一帶迅速前進並先行咨明慶  
成以便帶領前往再前據倭什布奏參將董寧川  
在湖北梓桐垭殺賊受傷被戕實爲奮勇出力已  
降旨加等賜卹今朕檢查董寧川履歷係直隸人

並著胡季堂查明籍貫係何縣分該員如有子嗣  
年已及歲卽奏明送部帶領引見候朕加恩或董  
寧川尙有老親胡季堂卽當酌量調濟一併具奏  
用示朕賑卹盡臣至意

同日陝西按察使台斐音奏言

臣

接署撫臣永

保札欽奉

上諭飭查秦承恩所供情節令

臣

據實自行陳奏伏

查上年二月間賊匪李全等由斜峪關竄出盤

屋節縣一帶距省較近難民男婦老幼陸續投

奔省城

臣

與陞任藩司陸有仁會商將存城兵

勇飭委員弁帶領分派四城及街巷稽查防守

難民隨時卽令進城居住其無裹攜貲糧者酌

給口食嗣於二月二十五六八等日節次探知

秦承恩王文雄帶兵由商州趕往盤屋在焦家

鎮胘子村南集賢等處打仗賊衆敗走沿山東  
竄距省城更近恐有假作難民突奔城下或致  
猝不及備不可不嚴加隄防查西南道路俱通  
賊匪竄走之處酌將西南兩門暫爲關閉留東  
北兩門仍令避難百姓入城臣與陸有仁分赴  
東北兩門督率委員稽查出入三十日晚秦承  
恩與興肇王文雄河藩各帶官兵趕集南門外

崇晉三月初一日五鼓興肇等率兵齊赴大峪  
口一帶剿賊秦承恩於是日進城安撫難民維  
時賊匪被剿潰竄已進南山距城較遠隨將西  
南兩門開放以便供運軍糧時有南山民人來  
省避賊亦卽稽查放入一體撫卹西安城濠向  
來無水並無難民在城外觸城投河之事秦承  
恩卽於初二日出城前赴南路會同王文雄等

搜剿潰匪此皆當時實在情形在城文武官員  
以及士民之所共見共聞茲奉

諭旨飭詢

臣

不敢扶同支飾奏入報

聞

初九日

丙寅

成都將軍富成奏言

臣

接准恒瑞抄

示欽奉

上諭廣厚奏節據將軍高成二知會賊賊各名嗣經訪

查富成連次殺賊均止數十人不等富成所報顯

係捏飾等因

臣

跪讀不勝悚懼伏思

臣

仰蒙

聖恩由兵丁用至將軍當此教匪肆擾正當捐軀圖

報迅速掃除何敢心存畏葸惟查

臣

前自川省

追剿張映祥等股賊匪行抵大安適恒瑞自

大壩山一路迎截前來維時張映祥等已竄近

陽平關一帶滋擾而廣元一帶尚有蕭正國包

正洪等往來游奕恐亦乘間竄出因與恒瑞商

酌恒瑞暫紮陽平關一帶堵禦

臣

由畧陽白馬

關繞至賊前抄截以爲兩面夾攻之計嗣

臣起

抵小川子地方探得賊匪竄至龍安府屬之青

木川因白水江水勢甚大不能偷渡並經該處

兵勇擊退復由青木川折回白馬關屬之梅子

圍一帶

臣

卽由小川子白馬關一帶迎剿至二



月二十七日在毛垭子地方正值賊匪前來隨  
督兵迎剿斃賊一百餘名生擒馮文亨等五名  
賊匪卽翻越老林由黑馬關長壩奔往階州一  
路竄逃臣跟蹤追剿於三月初二日趕至階州  
屬之柳壩地方追及賊尾分兵剿殺斃賊二百  
餘名生擒吳正隴等十三名是日探得賊匪直  
奔階州一路恐其滋擾州城因於是晚兼程行

走次日已刻趕至階州正在稍息兵力適值馬  
步賊匪約二千餘人前來勢欲攻擾州城

臣隨

卽分兵兩路迎剿該匪等立時逃散我兵奮力

追殺斃賊七十六名拿獲石萬方等十一名騎

馬賊匪李士見一名其匪等竄至兩水復分兩

路竄號賊匪奔往涼恭白號奔往岷州屬之宕

昌一路破時因署藩司廣厚及總兵吉蘭泰等

正白成縣前來因令該署司等卽從涼恭一路

迎剿藍號賊匪臣隨由階州直赴宕昌一路剿

辦白號一股三月十二日趕抵宕昌賊匪竟分

三路奔來臣隨督兵迎剿施放鎗礮擊正在

相持間不意賊匪復分股繞至我兵之後翼圍

斷我後路經臣分帶官兵馳圍奮力擊退後由

右手山梁從上下擊賊匪始皆敗退追殺十餘

里共斃賊七十六名並鎗斃騎馬賊九名賊卽

向岷州一路逃竄彼時臣因探知廣厚等進抵

漳縣之新寺鎮與藍號賊匪接仗恐該匪等折

竄岷州因卽由月兒梁岷州一路追剿並就近

迎擊藍號逆匪保護州治及抵岷州探得白號

賊匪復由那那溝折向正北其勢似欲奔竄鞏

昌臣查鞏昌當陝甘大道關係甚重當卽督兵

趕抵鞏昌適吉蘭泰廣厚等因藍號賊匪亦折  
向漳縣迤北該鎮等自漳縣之監神寺追剿前  
來隨即會商該鎮等仍追藍號一起臣卽自鞏

昌馳赴寧遠一路追剿白號賊匪趕抵羅家堡  
地方突遇藍號賊匪自北折回隨督兵迎擊斃  
賊一百三十九名並拏獲活賊馬溫落等二十  
一名是日賊匪等由岱門奔赴兩當一路竄逃

臣因藍白兩號相距不遠正擬分兵剿辦適接

廣厚等來札以白號賊匪由娘娘壩向東北折

竄秦州之廟灣甘泉等處該司等現由水凌寺

迎剿前來札致臣就近追剿藍號臣因白號一

股現有官兵迎剿是以卽自岱門一路追剿藍

號賊匪趕抵江羅鎮探得賊匪在橫川子聞知

我兵逼近復由該處北折傅家鎮一帶冀圖遠

竄臣探明後卽於二鼓分兵三路出其不意一

齊攻撲共斃賊一百十七名並將臨陣投出之

難民宋朝柱等一百十三名訊明甫經被裏屬

實當卽宣諭

恩旨概行釋放復於兩當之趙家崖追及賊尾將落

後賊匪殺死四十六名其餘三十七名盡行擊

獲分別正法釋放探得賊匪連夜奔往兩當

臣

卽跟蹤追剿賊匪又奔往徽縣隨卽兼程馳追

趕抵徽縣與恒瑞會晤此臣自川入甘追剿逆

匪節次打仗之實情也臣從前在川剿賊所有

與賊接仗各情形均係具報勒保隨時奏報及

抵甘省仍復如是至廣厚吉蘭泰現與臣同事

剿賊兩路賊踪及打仗情形彼此不過草草通

知其一切實在情形業已詳細具報勒保惟是



臣係帶兵大員且剿賊已入甘省距川較遠應自行專摺具奏乃仍拘泥轉報實屬糊塗錯謬  
茲蒙

諭旨垂詢

臣

竊悚懼愧悔現在探得白號賊匪已奔

成縣一路竄逃藍號賊匪復自徽縣屬之賀家店折向江羅鎮一帶奔往西和一路逃竄其勢似欲與白號合夥

臣

隨與恒瑞籌商分兵三路

進剿恒瑞由徽縣前赴小川子成縣一帶進剿

臣由賀家店江羅鎮一路自正北兜剿吉蘭泰

廣厚由高橋麻陽河一路抄截除俟會合剿辦

再行隨時具奏外臣惟有竭力盡心鼓勵官兵

趕緊剿辦斷不敢稍事推諉奏入

上命軍機大臣傳諭松筠曰富成覆奏剿賊情形所

言殊屬支飾謬妄伊自剿辦張映祥股匪以來帶

領兵勇甚多惟知藉詞繞道避賊而行卽據伊摺  
內所稱打仗五六次殺賊名數無多况未必實有  
其事且據稱於兩當之趙家崖地方追及藍號賊  
尾將其落後賊匪殺死四十六名卽此可見富成  
追賊總係尾隨相距甚遠其所殺者乃落後之疲  
乏難民耳可謂自道其實矣又據稱前在川省剿  
賊均係具報勒保隨時奏報及抵甘省仍復如是

更不成話軍營帶兵大員如明亮等於剿賊情形  
皆各具摺陳奏富成係成都將軍專辦一股賊匪  
獨不可具摺乎况前據勒保奏富成怠玩避賊  
情節屬實並稱伊坐擁多兵從未趕上賊匪接仗  
一次是所稱隨時咨報勒保之語顯係謊言且富  
成與廣厚等分路剿賊於一切軍情自應詳悉知  
照彼此得以商辦乃輒稱凡遇打仗情形不過草

草通知尤爲謬論前已有旨令松筠將富成革職  
擊問就近提訊計此時松筠已抵漢中著將富成  
原摺發交松筠閱看並遵照前旨指出各情節向  
富成嚴行詰訊錄取確供先行奏報俟朕批回後  
再行按律定擬具奏至陝省三張逆分路奔竄情  
形松筠到漢中後自必確有聞見卽將各賊匪現  
向何路竄擾及各路官兵如何堵剿截擊之處併

松筠有何籌辦方畧著速行詳晰馳奏

十一日

戊辰

廣厚奏言

臣

等行抵白楊渠因河水

漲發不能前進正在紮筏過渡間接據署三岔

州判周文鰲稟報賊匪已竄至三岔地方攻撲

堡寨該州判用鎗礮轟擊賊匪窺知堡內兵勇

無多竟不稍退勢在危急

臣

查三岔州判係秦

州分設西通清水北接隴州均屬完善腹地未

經破賊之區臣不敢以隴州係陝西所屬意存

珍域因與吉蘭泰商酌分兵兩路吉蘭泰率領

游擊和保都司馬良棟等由渭河北岸趕赴三

岔救援臣率領游擊閻燮和都司陳五輯等由

立石子馳赴三岔截擊藉以遏其奔竄清水隴

州之路臣與吉蘭泰先後抵八畝圍將近三岔

賊匪卽由秦嶺東奔意欲竄入陝西之鳳縣寶

雞適署督臣恒瑞帶兵來甘至菜子嶺賊匪探  
知不敢東向遂由利橋南竄兩當之太陽寺

臣

查該匪自社棠鎮痛殲後惟事窮奔探聞官兵  
由何路追趕卽翻山繞避冀圖疲我兵力必須

緊躡窮追方能相機剿殺茲恒瑞由東路兜圍

臣等卽由高橋自北面逼追途次江洛壩據報

白號賊匪由徽縣竄至成縣拋沙河一帶其藍



魏賊匪復由李家集奔赴兩當恒瑞正在剿捕

又有一股賊匪亦由鳳縣竄至兩當各等情

臣

聞信焦灼若白號賊匪乘隙折竄會合剿辦更

費周章當由江洛壩催兵趕追至小川子該匪

亦由白馬關奔逃恒瑞亦同時趕到據恒瑞告

知由鳳縣竄來係張漢潮一股已經剿敗仍折

回陝省遂與

臣

等酌商白號一股現出白馬關

南竄有仍由陽平關入川之勢擬卽親自督兵  
趕剿惟藍號一股經恒瑞於兩當擊敗後復竄  
往禮縣之隆林橋雖有富成帶兵勇七千名追

剿不能得力今臣轉回會同富成籌辦臣等卽

日由石峽關趕回務期迅速辦理肅清甘境再

臣接奉

諭旨令臣酌量情形如尙需兵接濟卽一面咨會阿

拉善王酌調該處兵丁千餘名或五百名應用  
臣查阿拉善素稱驍健於剿捕自能得力但白  
號賊匪已竄出白馬關邊境僅餘藍號一股此  
特兵丁已敷剿捕似可無須添調奏入

上命軍機大臣傳諭廣厚曰此次追剿賊匪廣厚吉  
蘭泰二人實爲出力現在白號一股恒瑞已帶兵  
追剿廣厚卽轉回禮縣截擊藍號賊匪自應如此

辦理據廣厚奏前此賊匪攻撲三岔時其地北接隴州不敢以該處係屬陝境意存畛域卽帶兵趕赴救援所見固是但甘省各股賊匪在兩當秦鳳等處往來奔突今白號一股雖已竄出白馬關而藍號賊匪尙在禮縣竄擾廣厚寃宜保守本境爲是若帶兵出境追剿賊匪偵知必又折回甘省我兵疲於奔命返客爲主矣况富成畏葸無能全不

足恃如廣厚已將藍號賊匪逼剿出境總當在邊  
界一帶扼要堵禦使賊匪不能折回肅清甘境轉  
不必有意見功越界追剿也又據奏甘省賊匪祇  
餘藍號一股兵力已足無須添調阿拉善兵自屬  
更好前已續降諭旨令恒瑞廣厚等或將寧夏駐  
防滿兵酌行添調今阿拉善兵雖可無庸調動而  
寧夏駐防係屬滿兵廣厚若行調用自較應手仍

著酌量情形如尙有需此項兵力不妨酌調四五  
百名防堵更可資得力也

同日成都將軍慶成奏言

臣蒙

恩補授成都將軍前赴軍營帶兵當卽束裝起程本  
月十八日行次井陘縣地方接奉

諭旨令

臣

赴陝幫同剿賊

臣

正擬改道由順德磁州

一路帶兵赴陝適接胡季堂咨稱以

臣

已由山

西取道遄行卽將正定兵五百名作爲頭起前  
來井陘其順德磁州撓備之兵就近仍走河南  
均在潼關會齊伏查晉豫兩省之赴潼關程途  
遠近不甚相懸

臣

一面點齊各起官兵一面探

詢賊蹤相度緩急何處緊要卽馳赴何處截剿  
惟思正定協防兵二千名俱係通省各營抽調  
未經戰陣必須申明紀律沿途整飭到彼方能

得力而直省勇幹將弁皆在軍營此次帶兵之  
員恐屬生手臣已咨會胡季堂署總兵扎勒杭

阿選派委員帶領管束并派員沿途稽察毋許

張皇滋事至陝境正在需兵之際直隸兵千二

百名爲數不多恐尙不敷堵剿之用可否於協

防兵內再挑四百名作爲第四起接續赴陝似

於軍旅有神伏乞



訓示奏入

上命軍機大臣傳諭慶成曰直隸頭起兵丁業已起程卽日可抵井陘其後起官兵由河南行走自亦可迅抵潼關慶成於潼關會齊後卽當探明賊蹤何處緊要卽赴何處截剿至所奏此項兵力爲數不多請再挑四百名接續赴陝以資堵剿一節亦屬可行現已降旨令胡季堂卽于協防兵內照數

挑派并遴選勇幹將弁帶領前往此項皆係生力  
新兵慶成務須乘銳進擊一切毋忘面諭奮勉立  
功用副委任

上又命軍機大臣傳諭胡季堂曰慶成奏陝省正在  
籌兵直隸兵一千二百名恐尙不敷堵剿請再挑  
四百名作爲第四起接續赴陝等語陝省賊匪股  
數較多各路兵力本不爲厚著胡季堂卽於協防

兵內再挑四百名選派曾經出師之勇幹將弁帶  
領起程接續赴陝以資堵剿

同日塔爾巴哈台領隊大臣伊江阿奏言 前

於途次聞靈臺縣告警隨即咨會恒瑞廣厚一

面馳赴靈臺沿途傳諭居民毋得驚惶各安本  
業卽率領該署令魏行敏察看地勢情形縣南  
五十里有百里鎮西南八十里有新集鎮爲秦

隴往來要路卽於該處安設卡防令鄉勇兵役  
按時放鎗以壯聲勢所有城外倉廩就勢挑溝  
築牆城上挿旗積石著該令會同營汛加意嚴

防

臣

寓居城外與倉卡相近藉以稽查彈壓但

靈臺山僻小縣人夫無多不足以資剿捕幸近  
日賊匪退去稍遠距靈臺崇信華亭三四百里  
不等現探得賊匪張映祥並有楊姓賊匪以藍

白布旗爲號人數較多分合靡常且形蹤極爲詭詐現在恒瑞等於南面分投剿捕而北面勢較空虛倘賊被剿勢急乘間北竄則將逼近靈臺華亭等處與大路相近接據署臬司蔡廷衡來信恒瑞前會調有甘涼肅州兵一千五百名派令總兵索費英阿帶領于平涼一帶備守該臬司察看情形緊要已飛咨該鎮迅速前來合

無仰懇

皇上天恩准

臣

同索費英阿率領此項兵丁抄出華

亨靈臺等處向南迎剿與恒瑞等相機夾攻期  
將此股賊匪及早廓清奏入

上命軍機大臣傳諭伊江阿曰伊江阿奏稱於靈臺  
新集鎮地方安設卡房令鄉勇兵役按時放鎗一  
節殊爲可笑軍營火器原以備擊賊之用豈有並

未見賊而輒放空鎗之理且據稱按時放鎗每一時應放幾鎗不過徒費火藥又何足以壯聲勢伊江阿身係滿州何竟沾染綠營習氣若此至所稱探得賊匪張映祥並石楊姓賊匪以藍白布旗爲號業經廣厚等奏報自屬確實在南面已有恒瑞等在彼剿辦而北面較單業經蔡廷衡咨會索費英阿將肅州兵一千五百名帶領前來會剿自

應如此辦理伊江阿准其留於該處會同該鎮從  
北向南奮力追剿與恒瑞等兩面夾擊以期將此  
股賊匪速行殲淨看伊福分如何耳